



Broj: 01/14-02-172/23-1
Sarajevo, 18.01.2023.g.

Primljeno: 19-01-2023			
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 18.01.2023. godine održana je 1. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovalo je 10 od ukupno 11 članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Budžeta Federacije BiH za 2023. godinu – hitni postupak,
2. Prijedlog Zakona o izvršavanju Budžeta Federacije BiH za 2023. godinu – hitni postupak,
3. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu (druge izmjene i dopune) i izmjene i dopune Finansijskog plana Federalnog fonda solidarnosti za 2022. godinu (Anex I) (druge izmjene i dopune) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2022. godinu (druge izmjene i dopune),
4. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2023. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja FBiH za 2023. godinu,
5. Prijedlog Odluke o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu,
6. Prijedlog Finansijskog plana FERK-a za 2023. godinu,
7. Tekuća pitanja.

Na osnovu člana 44. a u vezi sa članom 63. Poslovnika Predstavničkog doma Parlamenta Federacije BiH, Odbor podnosi sljedeći:



IZVJEŠTAJ

Ad-1. Prijedlog Budžeta Federacije BiH za 2023. godinu – hitni postupak

Uvodno izlaganje dao je Alija Aljović – ispred Federalnog ministarstva finansija i upoznao prisutne članove Odbora sa Prijedlogom Budžeta Federacije BiH za 2023. godinu koji je dostavljen u parlamentarnu proceduru po hitnom postupku.

Nakon uvodnog izlaganja, Odbor je obavio diskusiju i pristupio glasanju, te jednoglasno usvojio prva dva zaključka, a treći zaključak je usvojen sa 9 glasova za i 1 suzdržanim glasom kako slijedi:

- 1. Odbor za ekonomsku i finansijsku politiku prihvata Prijedlog Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.**
- 2. Odbor za ekonomsku i finansijsku politiku predlaže i zahtjeva od Vlade Federacije BiH da ubuduće u parlamentarnu proceduru dostavi Budžet u zakonski određenim rokovima i da se Budžet prestane upućivati u parlamentarnu proceduru po hitnom postupku.**
- 3. Odbor za ekonomsku i finansijsku politiku preporučuje Vladi Federacije BiH da se prilikom raspodjele finansijskih sredstava u iznosu od 200 miliona KM prema kantonima drži popisa iz 2013. godine, te traži izjašnjenje Predstavničkog doma po ovom zaključku.**

Ad-2. Prijedlog Zakona o izvršavanju Budžeta Federacije BiH za 2023. godinu – hitni postupak

Uvodno izlaganje dao je Alija Aljović – ispred Federalnog ministarstva finansija. Prisutni članovi Odbora su obavili diskusiju i glasanje, te jednoglasno podržali sljedeći



Zaključak

Odbor za ekonomsku i finansijsku politiku prihvata Prijedlog Zakona o izvršavanju Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.

Ad-3. Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu (druge izmjene i dopune) i izmjene i dopune Finansijskog plana Federalnog fonda solidarnosti za 2022. godinu (Anex I) (druge izmjene i dopune) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2022. godinu (druge izmjene i dopune)

Nakon uvodnog izlaganja prisutnog predlagača Prijedloga Odluke Odbor je pristupio glasanju i jednoglasno donio sljedeći

Zaključak

Odbor za ekonomsku i finansijsku politiku prihvata Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu (druge izmjene i dopune) i izmjene i dopune Finansijskog plana Federalnog fonda solidarnosti za 2022. godinu (Anex I) (druge izmjene i dopune) i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja FBiH za 2022. godinu (druge izmjene i dopune).

Ad-4. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2023. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja



FBiH za 2023. godinu

Nakon što su saslušali uvodno izlaganje od strane prisutnog predlagača Prijedloga Odluke, članovi Odbora su pristupili glasanju i jednoglasno donijeli sljedeći

Zaključak

Odbor za ekonomsku i finansijsku politiku prihvata Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2023. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja FBiH za 2023. godinu.

Ad-5. Prijedlog Odluke o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu

Uvodno izlaganje dala je Helena Lončar – direktorica Federalnog zavoda za zapošljavanje nakon čega je Odbor pristupio glasanju i jednoglasno podržao sljedeći

Zaključak

Odbor za ekonomsku i finansijsku politiku podržava Prijedlog Odluke o davanju saglasnosti na Finansijski plan Federalnog zavoda za zapošljavanje za 2023. godinu i procjenu plana za 2024. i 2025. godinu i Odluku o izvršavanju Finansijskog plana Federalnog zavoda za zapošljavanje za 2023. godinu.

Ad-6. Prijedlog Finansijskog plana FERK-a za 2023. godinu

Sjednici Odbora prisustvovali su predstavnici FERK-a i veoma detaljno upoznali Odbor sa dostavljenim Prijedlogom Odluke nakon čega je Odbor jednoglasno donio sljedeći



Zaključak

Odbor za ekonomsku i finansijsku politiku prihvata Prijedlog Finansijskog plana FERK-a za 2023. godinu.

Ad-7. Tekuća pitanja

Pod tekućim pitanjima predsjednik Odbora je upoznao članove Odbora da će održati press konferenciju za medije na dan 19. januar 2023. godine sa početkom u 12.00 sati u zgradi Parlamenta Federacije BiH o temi Izvještaja sa 1. sjednice Odbora i usvojenim zaključcima vezanim za Prijedlog Budžeta Federacije BiH za 2023. godinu, te ih pozvao da učestvuju na konferenciji za medije.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA
Admir Čavalić, s.r.